

Na osnovu čl. 4.2, 4.3 i 7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02 i 13/03), člana 50. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 6. Pravilnika o licencama ("Službeni glasnik BiH", broj 38/05), na sjednici Državne regulatorne komisije za električnu energiju, održanoj 31. augusta 2006. godine, donijeta je

ODLUKA

O USPOSTAVI POJEDNOSTAVLJENE PROCEDURE IZDAVANJA LICENCE ZA MEĐUNARODNU TRGOVINU ZA PODNOSIOCA ZAHTJEVA U STATUSU KVALIFICIRANOG KUPCA

Član 1.

Ovom odlukom uspostavlja se pojednostavljena procedura izdavanja licence za međunarodnu trgovinu za podnosioca zahtjeva u statusu kvalificiranog kupca, neposredno spojenog na prijenosnu mrežu, za uvoz električne energije ekskluzivno za svoje vlastite potrebe.

Član 2.

Kupac koji ima ili može steći status kvalificiranog kupca, a neposredno je spojen na prijenosnu mrežu, može podnijeti zahtjev za izdavanje licence za međunarodnu trgovinu u svrhu uvoza električne energije za vlastite potrebe.

Član 3.

Izdavanje licence po zahtjevu iz člana 2. ove odluke provodi se u skladu sa Pravilnikom o licencama.

Član 4.

Uz zahtjev za izdavanje licence podnosilac iz člana 2. ove odluke prilaže dokumente iz člana 18. stav 1. tač. 1-3, 10-11 i 13-18. i člana 19. stav 3(c) tač. 2, 3 i 4. Pravilnika o licencama.

Član 5.

Prilikom odlučivanja o izdavanju licence Državna regulatorna komisija za električnu energiju (DERK) koristi relevantne kriterije iz čl. 21. i 22. Pravilnika o licencama, uzimajući u obzir specifičnosti uvoza električne energije za vlastite potrebe.

Član 6.

DERK prilagođava sadržaj uvjeta za korištenje licence propisanih čl. 26. i 27. Pravilnika o licencama na način koji će izraziti specifičnost uvoza električne energije za vlastite potrebe.

Član 7.

Do donošenja posebne odluke iz člana 38. stav 6. Pravilnika o licencama, licence iz ove odluke DERK izdaje kao privremene po skraćenom postupku.

Član 8.

Ova odluka stupa na snagu narednog dana od dana objave u “Službenom glasniku BiH”, a objaviće se i u službenim glasilima entiteta.

Broj: 05-28-249/06
31. augusta 2006. godine
Tuzla

Predsjedavajući Komisije
mr Vladimir Dokić